

摘藻堂四庫全書薈要

集部

欽定四庫全書薈要

集部

山谷別集卷二

詳校官助教臣常循



欽定四庫全書薈要卷一萬五千一百五十二

集部

山谷別集卷一

宋 黃庭堅 撰

古詩

和答劉中叟殿院

伯時彭蠡春牧圖

次韻斌老冬至書懷示子舟篇末見及之作因
以贈子舟歸

答俞洪範

觀祕閣西蘇子美題壁及張侯家墨跡



臨河道中

觀劉永年團練畫角鷹

同宋景瞻分題汴上行

奉次斌老送瘿木棋局八韻

題劉法直詩卷

次韻任道雪中同游東臯之作

信中遠來相訪且致今歲新茗又枉任道寄佳

篇

題李亮功家周昉畫美人琴阮圖

戲用題元上人此君軒詩韻奉答周彥公起予
之作

元師自榮州來追送余於瀘之江安綿水驛因
復用舊所賦此君軒詩韻贈之

以皮鞵底贈石推官

癸酉八月同百丈肅禪師溫湯作小詩呈九仙
舜公長老

題石恪畫機織圖

題伯時馬

書郭功甫家屏上東坡所作竹

律詩

和范廉

梨花

題燕邸洋川公養浩堂畫

奉答固道

和王明之雪

夷仲叔父幼子晬日

贈益陽成之主簿

和早秋雨中書懷呈張鄧州

次韻清虛喜子瞻得常州

次韻公秉子由十六夜憶清虛

次韻清虛同訪李園 次韻清虛

奉答聖恩講論語長句

謝王炳之惠茶

四月末天氣陡然如秋遂御袂衣游北沙亭觀

江漲

知郡大夫改築射亭與五老峯晤對極為勝賞

輒以俚句咏嘆

與黔倅張茂宗

從舅氏李公擇將抵京輔以歸江南初自淮之

西

翌日阻雨次韻

題子瞻墨竹

范德孺須筆裒諸工佳者共成十枝分送

大暑水閣聽晉卿家昭華吹笛

予去歲在長沙數與處度元實相從把酒自過

嶺來不復有此樂感歎之餘戲成一絕

次韻錢德循鹿苑灘艤舟有作

題大年小景

梅花

題文潞公黃河議後

酌姨母崇德君壽酒

木龜亭留題

題羅公山古栢菴二首

雜詩

讀謝安傳

海棠花

奉和答君庸見寄

寄劉泗州

書王氏夢錫扇

訪趙君舉

絕句

贈初和甫

承示中秋不見月及憫雨連作恐妨秋成奉次

元韻

題王晉卿平遠

戲題斌老所作兩竹梢

題覺海寺

贈法輪齊公

題醒心軒

竹枝詞二首

六言

題東坡竹石

詠子舟小山叢竹

挽詩

史天休中散

宋夫人挽詞

古詩

和答劉中叟殿院

平生劉宗正聞有湖海氣黃石與兵書雷霆鎖習次跨

馬開武溪叢弓作文吏守桃仁九族瑒玉詔萬世去乘
御史驄權貴斂手避時時侵諫草頗用文章戲風人託
草木騷客拾蘭蕙傾懷謝僚友句法何壯麗諸公遊蓬
壺賤子濫末至風流餘翰墨想見經行地烏啼霜臺栢
岑絕不可詣我我觸邪冠此中有餘事鑿國妙藥石立
朝極涇渭餘子蠹青簡走亦行幘被

右蜀本
已刊

伯時彭蠡春牧圖

岳陽樓上春已歸湖中鴻鴈拍波飛布帆天闊隨鳥道

石林風晚吹人衣春水初生及馬腹浮灘欲上西山麓
遙看絕嶺秀雲松上有垂蘿暗谿谷沙眠草嚙性不驕
側身注目鳴相招林間瞥過星爍爍原上獨立風蕭蕭
君不見中原真種烟塵沒南行市骨何倉卒秬收力健
載征夫肯向時危辨竒骨即今貢馬西北來東西坊監
叱雲間紛然駕驥同一秣爾可不憂四蹄脫

次韻斌老冬至書懷示子舟篇末見及之作因以
贈子舟歸

二宗性清真俱抱歲寒節常思風雲會為國奮忠烈道
方滄波頽位有豺虎竊夫婦相魚肉關中一大雪北風
夜颼颼竹枯松栢折泰來拔茅連井收寒泉冽天地復
其所我輩皆慰愜何為對樽壺似見小敵怯太宗垂紫
髯貴氣已森列小宗新換骨健啗頗腴悅昨宵連環夢
秣馬待明發寒日一線長把酒相喻說人生但安樂逢
世無巧拙斑衣戲親庭不作經年別猶有未歸心遠寄
丁香結

答俞洪範

倒海弄明月伐山茹芝英婆娑一世間浩蕩懷友生佳
人貂襜褕眉宇秋江晴習懷府萬物器識謝羣英贈我
白雪絃此意少人明別離數弦望相思何時平猶憶把
樽酒夜談盡傳更

觀祕閣西蘇子美題壁及張侯家墨迹十九紙率
同舍錢才翁學士賦之

仁祖康四海本朝盛文章蘇郎如虎豹孤嘯翰墨場風

流映海岱俊鋒不可當學書窺法窟當代見崔張銀鈎
刺琬琰蠅尾回縑紉擢登羣玉府臺閣自生光春風吹
曉雨禁直夢滄浪人聲市朝遠簾影花竹涼秋河前筆
研怨句挾風霜不甘老天祿試欲叫未央小臣膽如斗
侏儒俸一囊請提師十萬沙漠搖戈鋌歸鞍飲月支伏
背笞中行人事喜永迁南遷浮夜航此時調玉燭日行
中道黃柄臣似牛李傾奪謀未臧薄酒圍邯鄲老龜禍
枯桑兼官百郡邸報賽用歲常招延青雲士共醉椒醕

觴俗客避白眼傲歌舞紅裳謗書動宸極牢戶繫桁楊

一網收冠蓋九衢人走藏庖丁提刀立滿志無四旁論

罪等饕餮囚衣禦方良姑蘇麋鹿曠風月在書堂永無

湔祓期山鬼共幽篁萬戶封侯骨今成狐兔岡邇來四

十年我亦校書郎雄文終膾炙妙墨見垣墻高山仰豪

氣崢嶸乃不亡張侯開詩卷詞意尚軒昂草書十紙餘

雨漏古屋廊誠知千里馬不服萬乘箱遂令駕鼓車此

宜用其長事往飛鳥過九原色莽蒼敢告大鈞手才難

幸扶將

右皆家傳

臨河道中

村南村北禾黍黃穿林入塢岐路長據鞍夢歸在親側
弟妹婦女笑兩廂甥姪跳梁暮堂下唯我小女始扶床
屋頭撲棗爛盈斗嬉戲喧爭挽衣裳覺來去家三百里
一園兔絲花氣香可憐此物無根本依草着木浪自芳
風煙雨露非無力年年結子飄路傍不如歸種秋栢實
他日隨我到冰霜

臨河屬開德路由河隄今集中有曹村道中一首瓜田餘蔓有荒壠梨子

壓枝鋪短牆明月風煙如夢寐平生親舊隔湖湘是也
蓋經行先曹村後臨河故前詩有覺來去家三百里之
句指大名也

觀劉永年團練畫角鷹

劉侯才勇世無敵愛畫工夫亦成癖弄筆掃成蒼角鷹
殺氣稜稜動秋色爪拳金鉤背屈鐵萬里風雲藏勁翮
兀立槎枒不畏人眼看青冥有餘力霜飛晴空塞草白
雲垂四野陰山黑此時軒然盍飛去何乃嶺岝立西壁
祇應真骨下人世不謂雄姿留粉墨造次更無高鳥喧

等閒亦恐狐狸赫旁觀未必窮神妙乃是天機貫骨髓
瞻相突兀摩空材想見其人英武格傳聞揮毫頗容易
持以與人無甚惜物逢真賞世所珍此畫他年恐難得

右皆
家傳

同宋景瞻分題汴上行

東風何時來隄柳芳且柔河冰日已消漫漫春水流寒
梅未破萼芳草綠猶稠歲月不我還念此人生浮高車
無完輪積水有覆舟庶門不返者誰得從之游

右蜀本
已刊

奉次斌老送癭木棋局八韻

鉤工運斤斧蟠木破權奇離離稻田畦日靜波文稀居
然有心作箇是偶爾為正當合戰地仍有曳尾龜膠漆
與顏色金銅利闢機抱器心自許成功世乃知吾宗為
湔袞枯木更生輝背城僮僮一觀我凱旋歸

題劉法直詩卷

往日劉隋州作詩驚諸公老兵晚前輩欺詆阮嗣宗才
卿望長卿歲數未三百豈其苗裔邪詩句侵唐格慨然

古人風乃在逐客篇朝廷重九鼎政欲多此賢虎豹九
關嚴漂零落閒處空餘百篇詩不隨夜臺去

次韻任道雪中同游東臯之作

任道有園曰東臯

四方民嗷嗷我奔走獨勞停舟近北渚扶杖步東臯霜
落瘦石骨水漲腐溪毛更有山陰興能無秦復陶

信中遠來相訪且致今歲新茗又枉任道寄佳篇
復次韻呈信中兼簡任道

坐安一柱觀立遣十年勞元珪於我厚千里來江臯松

風轉蟹眼乳花明兔毛何如浮大白一舉醉陶陶

右皆家傳

題李亮功家周昉畫美人琴阮圖

周昉富貴女衣飾新舊無髻重髮根急薄粧無意添琴

阮相與娛聽絃不觀手數腴竹馬郎跨馬要折柳

高子勉記

龍眠李亮功家藏周昉畫美人琴阮周無有宮禁氣象更有竹馬小兒欲折檻前柳者亮功官長沙而山谷謫宜州過見之歎愛彌日大書一詩於黃素上云云此畫後歸禁中子勉嘗追和曰丹青有神藝周郎獨能無畫圖絕世人真態不可添却怜如畫者相與落誰手想像猶可言兩重春籠柳

戲用題元上人此君軒詩韻奉答周彥公起予之

作病眼昏花句不及律書不成字

此道沈霾多歷年喜君占斗斲龍泉我學淵明貧至骨
君豈有意師無絃瀟灑侯王非爵命道人曾中有水鏡
霜鐘堂下月明前枝枝雪壓如懸磬敝帚不掃舍人門
如願不謁青鴻君來聽道人寫風竹手弄霜鐘看白雲
平生竊聞公子舊今日誰舉賈生秀未知東帛何當來
但有一筇相倚瘦欲截老龍吟夜月無人處為江山說
中郎解賞柯亭椽玉局歸時君為傳

此詩始元公欲刻
之此君軒可聽渠

琴本也 右有跋
語見第十一卷

元師自榮州來追送余於瀘之江安綿水驛因復
用舊所賦此君軒詩韻贈之并簡元師從弟周
彥公

歲行辛巳建中年諸公起廢自林泉王師側聞陛下聖
抱琴欲奏南風絃孤臣蒙恩已三命望堯如日開金鏡
但憂衰疾不敢前眼見黑花耳聞磬豈如道人山繞門
開軒友此歲寒君能來作詩賞勁節家有曉事揚子雲

籀龍森森新聞舊父翁老蒼孫子秀但知戰勝得道肥
莫問無肉令人瘦是師曾中抱明月醉翁不死起自說
竹影生涼到屋椽此聲可聽不可傳

余舊得東坡所作醉翁操善本嘗對元道之元欣然
曰往嘗從成都通判陳君頌得其譜遂促琴彈之詞
與聲相得也蜀人由是有醉翁操然詞中之微旨絃
外之餘韻俗拍塵耳豈易得之建中靖國元年正月

辛未江安水次偶住亭書

右有
石刻

以皮鞵底贈石推官

道人不雕琢萬境自明已願公勤此履深徹法源底
毗盧足趺光照耀世界海旋嵐黑風起到岸得自在

鼻孔隨人走日中忽見斗踏定太衝脉壁上挂著口

右有

石刻

癸酉八月同百丈肅禪師溫湯作小詩呈九仙舜

公長老

九仙漚和湯浴此二水牯主人無施心冷暝各得所道

途開十方瓢杓汲萬古欲問源從來大雄山有虎

右蜀本已

刊

題石恪畫機織圖

荷鋤郎在田行餉兒未返終日弄鳴機恤緯不思遠

題伯時馬

我觀李侯作胡馬置我敕勒陰山下驚沙隨馬欲暗天
千里絕足畧眼跨

一作過

自當初駕沙苑丞豈復更數將

軍霸李侯今病廢右臂此圖筆妙今無價

書郭功甫家屏上東坡所作竹

郭家髹屏見生竹惜哉不見人如玉凌厲中原果木春
歲晚一棋終玉局巨鼇首戴蓬萊山今在瓊房第幾間

已下
缺

律詩

和范廉

一代功名醉斯人尚獨醒風霜寒慘澹松栢後凋零歲
晚虛前席天涯作使星百城周緩帶列校聽橫經汲直

非刀筆山公識寧馨愁思理前語祠下柳陰亭

梨花

巧解逢人笑還能亂蝶飛清風時入戶幾片落新衣

題燕邸洋川公養浩堂畫

蕭寺吟雙竹秋醪薦二螯破塵歸騎遠橫日鴈行高

又

首云擁膝度殘臘攀
條驚早春下闕

奉答固道

平生湖海漁竿手強學來操製錦刀末俗相看終眼白

古人不見想山高未乘春水歸行李儻得閒官去坐曹
自是無能欲樂爾煩君錯為歎賢勞

和王明之雪

金母紫皇開壽域煉成天地一爐沙千花亂發春無耐
萬井交光月未斜貧巷有人衣不續北窻驚我眼飛花
歌樓處處催沽酒誰念寒生泣白華

夷仲叔父幼子晬日

幼子謂嗣
深尚書

骨秀已知騏驥子性仁端是鳳凰雛不騰渥水稱神俊

應出岐山作瑞符漸指家人知姓字試看屏上識之無
乃翁斷獄多陰德迺往高門待汝車

右皆
家傳

贈益陽成之主簿

并序

予之竄嶺南道出衡陽見主簿君益陽黃成之問宗
派乃同四世祖兄也於是出嫂氏子婦相見喟然念
高祖父之兄弟未遠也而殊鄉異井六十歲然後相
識亦可悲也益陽兄之叔父晦甫侍御在家著孝友
之譽立朝有忠鯁之名不幸年五十有四被召而歿

於道上將啟手足自力作疏極論濮園事所謂歿而
不忘諫君以德其枝葉必將豐茂有赫赫於世者故
作詩道之

兩祖門中種陰德名塞四海世有人諸兒莫斷詩書種
解有無雙聳縉紳

人間卿相何足道習次詩書要不忘男兒邂逅起屠釣

何如林中日月長

右得於成
之姪孫漢

和早秋雨中書懷呈張鄧州

喜聞三徑被恩書五馬來過塞里閭天上日清消蟬蛸
海濱風靜復爰居龜逢銜骨方為鵲蘭不當門亦見鋤
已發覆盆瞻睿聖何因猶著故溪魚

次韻清虛喜子瞻得常州

喜色侵淫動縉紳俞音下報謫仙人驚回汝水間關夢
乞與江天自在春
卷畫初游冰欲泮
浣花何處月還新
涼州不是人間曲
佇見君王按玉宸

次韻公秉子由十六夜憶清虛

九陌無塵夜際天。兩都風物各依然。車馳馬逐燈方鬧。
地靜人閒月自妍。佛館醉談懷舊歲。齋宮詩思鎖今年。
但聞公子微行去。門外驂騑立繡韉。

次韻清虛同訪李園

年來高興滿尊絲。寒薄春風駘蕩時。稍見臙脂開杏萼。
已聞香雪爛梅枝。老逢樂事心猶壯。病得新詩和更遲。
何日聯鑣向金谷。擬追山翼到瑤池。

山翼一作仙翼

次韻清虛

地遠城東得得來正如湖畔昔銜盃眼中故舊青常在
鬢上光陰綠不回歸去汴橋三鼓月相思梁苑一枝梅
我閒時欲尋君醉為備芳醪更滿壘

奉答聖恩講論語長句

簿領文書千筆秃公庭囂訟百蟲鳴時從退食須臾頃
喜聽鄰家諷誦聲觀海諸君知浩渺學山他日看崇成
暮堂吏退張燈火抱取魯論來講評

右皆
家傳

謝王炳之惠茶

平生心賞建溪春一丘風味極可人香包解盡寶帶跨
黑面碾出明窻塵家園鷹爪改嘔冷官焙龍文常食陳
於公歲取壑源足勿遣沙溪來亂真

四月末天氣陡然如秋遂御袂衣游北沙亭觀江
漲

沙岸人家報急流船官解纜正夷猶震雷將雨度絕壑
遠水粘天吞釣舟甚欲去揮曲羽簫可堪更著紫茸裘
平生得意無人會浩蕩春鉏且自由

右皆載
蜀本

知郡大夫改築射亭與五老峯晤對極為勝賞輒
以俚句咏嘆

白髮蒼髯五老人德雖不孤世無鄰松風忘味同戴舜
梅雨蒙頭非避秦築亭風流二千石此老入謁官不嗔
一樽相對是賓友學得養生通治民

右有
石刻

與黔倅張茂宗

靜居門巷似烏衣文采風流衆所歸別乘來同二千石
化民曾寄十三徽寒香亭下方遺愛吏隱堂中已息機

暫與計司參婉畫百城官吏借光輝

從舅氏李公擇將抵京輔以歸江南初自淮之西
猶未秋日思歸

歸心搖搖若楸帶哀操切切如蟬吟百年雙鬢欲俱白
千里一書真萬金

翌日阻雨次韻

愁雲垂垂雨淫淫野館重賦思歸吟老農那問客心苦
但喜粟粒如黃金

題子瞻墨竹

眼入毫端寫竹真，枝掀葉舉是精神。
因知幻化出無象，問取人間老斲輪。

范德孺須筆裏諸工佳者共成十枝分送

臨池聞道學書成，已許家雞勝伯英。
雪竹霜毛分一束，開包何異五侯鯖。

大暑水閣聽晉卿家昭華吹笛

新竹能吟水底龍，玉人應在月明中。
何時為洗秋空熱，

散作霜天落葉風

予去歲在長沙數與處度元實相從把酒自過嶺
來不復有此樂感歎之餘戲成一絕

玄霜搗盡音塵絕去作湖南萬里春想見山川佳絕地
落花飛絮轉愁人

右皆
家傳

次韻錢德循鹿苑灘艤舟有作

鹿苑灘頭秋月明使君輟棹愛江清塵埃一段思歸路

已聽荊州漁鼓鳴

右已載
達本

題大年小景

水色煙光上下寒
忘機鷗鳥恣飛還
年來頻作江湖夢
對此身疑在故山

輕鷗白鷺定吾友
翠栢幽篁是可人
海角逢春知幾度
卧游到處揔傷神

梅花

障羞半面依篁竹
隨意淡粧窺野塘
飄泊風塵少滋味
一枝猶傍故人香

題文潞公黃河議後

澶淵不作渡河梁由是中原府庫瘡
白首丹心一元老
歸來高枕夢河湟

酌姨母崇德君壽酒

日月行當壽星紀仙人初出閨風時
欲將何物獻壽酒
天上千秋桂一枝

木龜亭留題

南臺西路木龜坊乃是靈畦罌藏從此改名杉蚶蛟

金剛經
卷一
恐來吞月直須防

題羅公山古栢菴二首

千角鹿死尚精神睡足蒼龍半屈伸
百歲妖狐住不得箇中曾卧謫仙人

塵埃奔走尚飄蓬想聽菴頭老栢風
會向天階乞衰晚住菴長作主人公

雜詩

迷時今日如前日悟後今年似去年
隨食隨衣隨事辦

誰知佛印祖師禪

讀謝安傳

傾敗秦師琰與玄矯情不顧驛書傳持危又幸桓溫死
太傅功名亦偶然

海棠花

海棠院裏尋春色日炙薦紅滿院香不覺風光都過了
東窻渾為讀書忙

奉和答君庸見寄

看鏡白頭知我老平生青眼為君明
舞殊別後閭珠履已報絲蟲網玉笙

寄劉泗州

生天生地常為主此事惟應作者知
康濟小民歸一臂屈伸由我更由誰

書王氏夢錫扇

壓枝梅子大於錢慚愧春光又一年
亭午無人初破睡杜鵑啼在柳梢邊

訪趙君舉

朔風吹雪滿都城
曉踏驂駒訪玉京
相引槽頭看春酒
細流三峽夜泉聲

絕句

富貴功名蠶一盃
綠車頭緒政紛紛
膏肓尋冷淡做生活
定是著書揚子雲

贈初和甫

處士孤懷少往還
平時一刺字多漫
能容著帽揮譚拂

可見高人禮數寬

承示中秋不見月及憫雨連作恐妨秋成奉次元

韻

秀稻秋風喜太平
獨疑連雨未全晴
銀蟾似亦無聊賴
默度寒宵嬾吐明

題王晉卿平遠

風流子晉罷吹笙
小筆溪山刮眼明
相倚鴛鴦得偃睡
一川風雨斷人行

戲題斌老所作兩竹梢

老竹帖妥不作奇嫩篁翹翹動風枝是有目世不知
吾宗落筆風煙隨

題覺海寺

鑪烟鬱鬱水沉肥木遠禪床竹遠溪一段秋蟬思高柳
夕陽元在竹陰西

贈法輪齊公

法輪法眷有齊公曾探斑斑虎穴中不必老夫親到也

自然千里便同風

題醒心軒

慈恩寺清山主開窓於碾坊竹陰余命曰醒心

盡日竹風談法要無人竹影又斜陽
他時若有相應者莫負開軒人姓黃

竹枝詞二首

三峽猿聲淚欲流夔州竹枝解人愁
渠儂自有回天力不學垂楊繞指柔

塞上柳枝且莫歌夔州竹枝奈愁何
虛心相待莫相誤

歲寒望君一來過

六言

題東坡竹石

恠石岑峯當路幽
篁深不見天
此路若逢醉客
應在萬仞峯前

詠子舟小山叢竹

病竹猶能冠叢夏
篁解籜忽忽細
草因依岑寂小
山紫翠嵌空

挽詩

史天休中散

光祿九男公獨秀賦名幾與景仁班
淹流州縣看恬默
出入風波笑險艱
遺愛蜀中三郡有
退身林下十年閒
山川英氣消磨盡
昨日華堂作土山

宋夫人挽詞

往歲塗宮暗碧紗
傾城出祖路人嗟
松栴峯下遷華寢
雪月光中咽曉笳
有子今為二千石
同州才數兩三家

兒孫滿地麻衣舉不見歸時桃李花

右皆
家傳

山谷別集卷一

欽定四庫全書薈要卷一萬五千一百五十三

集部

山谷別集卷二

宋 黃庭堅 撰

銘

廬州開福寺彌勒殿銘

作雙寂堂遠來求銘 任運堂銘

關幽亭銘 寸陰齋銘

脫黏菴銘 密軒銘

明月泉銘 宴坐室銘

天保松銘

元聖庚大帶銘

銅雀臺硯銘

金龜硯銘

塼硯銘

蘇廉正硯銘

周元功硯蓋銘

遺卽南硯銘

龐道者硯銘

曹伯達硯銘

周元功三足硯銘

石秉文硯屏銘

茶磨銘

贊

戲題戎州作余真

峨眉真人陳圖南真贊

彌陀贊

觀音贊

知命弟觀音贊

維摩詰畫贊

翠巖璣禪師真贊

圓通璣禪師贊

承天寶禪師贊

郭公父得揚次公家金書細字經求予作贊

蒲團坐贊

龐道者名悟超贊

芝贊

畫木石贊

題崇德君所畫雀竹蛭蟾圖贊

綠菜贊

劉元輔畫馬扇贊

頌

禪頌

壽禪師悟道頌

與六祖長老頌

慈母巖亮長老頌

和宣叔乞笋伽陀二頌

戲呈峨眉僧正簡之頌

明叔惠示二頌云見七佛偈似有警覺乃是向
道之端發於此故以二頌為報

化羶頌

失紫竹拄杖頌

竹頌

為茭橋居士作念念即佛頌

寄清新二禪師頌

送黃龍曉禪師住觀音頌

雲居祐禪師燒香頌

歸宗茶堂森明軒頌

送慧林明茶頭頌

題般若會疏頌

因六祖舉太和山語而成頌

墨蛇頌

以香燭團茶琉璃獻花梳供布袋和尚頌

玉泉長老不受承天襴因作頌

不俗軒耐閒軒頌

東禪長老夢偈

次韻奉答南山禪師二頌兼呈琦上人

奉留楚金長老

銘

瀘州開福寺彌勒殿銘

瀘州控縣水一都會文經武畧付在守臣呼吸變故應
以整暇佛廟鐘鼓亦用震驚聾俗使相輯睦不相侵冒
實為王畧之助瀘故有開福寺彌勒大像殿豈爰通衢
夷夏所瞻摩以歲禩金碧黯昧象設欹傾僧景沂了愚
了謁同力新之始於紹聖丁丑成於建中靖國之元而
景沂請銘余為稽首銘之曰

能仁像法岌岌將傾知足天王下開羣冥維此金像景
沂所作侍其純夫實掌西南之鑰有具閉之莫相侮侵
有其開之來獻其琛

此卷摹刻畢便留充沂上人衣鉢若有攘臂紛奪者
依東坡先生施四菩薩板誓建中靖國元年正月丁
亥青輝閣前舟中書

表弟李廣心作太湖主簿於解舍中作雙寂堂遠
來求銘

境寂心閑動靜沉掉心寂境喧萬物森然心境雙寂語
默作息心是寂根事乃枝葉物物本然自動自業將心
求寂如驢覷井以寂安心馮老送癭

任運堂銘

或見僦居之小堂名任運恐好事者或以藉口余曰騰
騰和尚歌云今日任運騰騰明日騰騰任運堂蓋取諸
此余已身如槁木心如死灰但不除鬚髮一無能老比
丘尚不可邪

關幽亭銘

從事於俗吏之軌何時得少關幽事澡雪塵坌哉此亭
常光見曉則夙興於吏事之前為可得意老杜云春來
常早起幽事頗相關故名之

寸陰齋銘

筦庫之職不盡心則事不舉盡心公家則少暇日觀公
有意於問學其惜寸陰則不暇矣

脫黏菴銘

愛憎利欲膠著胷中欲脫此黏以道為工

密軒銘

事以密成語以泄敗士大夫之生以口為戒

明月泉銘

谷簾造次不窮源棲賢招隱

缺

守居井甃冽寒泉

明月乃用堂名傳

宴坐室銘

李子宴處不惰不馳觀宇觀宙使如四肢不動而功不

行而邁萬物芸芸則唯我在

天保松銘

衡州花光山實衡嶽之南麓有松傑出盤礴雲表晉陵
鄒浩嘗以問長老仲仁曰方法堂佛殿鼎新之時他山
之木尚入繩墨乃不為材耶仲仁曰自其合抱以來
睥睨於其旁者踵相尋而至豈特吾寺之人哉但以適
當天子壽山之前故不敢運斤耳因告之曰若聞天保
之名乎其比物以見意止言如南山之壽而以松栢之

茂繼焉今山前之松可謂茂矣宜以天保名之仁請著以示後於是乎銘曰

山有喬松在南山之陽巧匠觀傍莫之能傷非此以為材可以全生得極其高大惟時太平薄海內外罔不稽首歸美以報如松之茂惟此獨也正能長且久勿伐勿敗祝聖人壽

右皆家傳

元聖庚大帶銘

不懈于位昊天其子之不愧于天萬物將賓之尺蠖之

智屈而伸之

右符之元
氏家藏

銅雀臺硯銘

惟曹氏西陵之陶瓦堙伏千齡深川而出逢世清明其
屋歌舞以除風雨初不自期為翰墨主不有君子長與
甕為伍

父城王文叔得此於深川之上予銘文叔之墓道文
叔之子申以為硯而歸予雙井黃某志

右有
石刻

金龜硯銘

叔祖公溥得石溪澣剖璞見龜以薦書府靈龜六用顯
一歲五秉資秀溫韞積應雨

右有
石刻

博硯銘

宜為礎而為硯不薦柱而登几世皆爾爾何獨怪此

蘇廉正硯銘

剖璞而得息膺而溫栗惟其生之質山上有澤虛而容
物鎮趺定傾不驚而立極維琢磨之力將以擬天下之
蹟維翰林子墨

周元功硯蓋銘

以金為鑑自見媼媚以古為鑑在夏后之世以人為鑑
常不病義鄭公既歿唐失一鑑人無畏友不僭斯濫

遺邵南硯銘

童子邵南連山之族生於宜都海口河目故授以此硯
以記其他日之不碌碌

龐道者硯銘

付龐道者學道知心如此堅石則得矣

曹伯達硯銘

巴東南浦巴子國金崖之下有蒼石琢而成器受書滴
翰林主人子墨客不鄙夷之與偃息不離輕重與南北
重為輕為可戒德曹氏父子百夫特

周元功三足硯銘

三足鼈縮頭不出背負翰墨不反不側清潤敦厚則以
比德

石秉文硯屏銘

東方作矣照耀萬物太白皦皦猶配寒月影落石中千
歲不減

茶磨銘

楚官散盡燕雪飛江湖歸夢從此機

贊

戲題戎州作余真

前身寒山子後身黃魯直頗遭俗人惱思欲入石壁

峨眉真人陳圖南真贊

一藤出山來正人紀見藝祖太宗曰天下定矣如月在
天去來無疵魏魏頤頤為帝王師聖哲肺腑天人眉目
三峯遶宅歲晚松菊

彌陀贊

彌陀願滿衆生界衆生界是本來心良由自心取自心
往來西方極樂國暫時歛念門戶開處處文殊入普賢
親見本身無量壽情與無情成正覺

觀音贊

衆生墮八難身心俱喪失惟有一念在能呼觀世音火坑與刀山猛獸諸毒藥衆苦萃一身呼者常不痛何用呼菩薩當自救痛者不煩觀音力衆生以二故一身受衆苦若能真不二則是觀世音八萬四千人同時俱起救

知命弟觀音贊

附

普陀巖大聖應身三十二慈悲視衆生八萬四千眼救一切苦難八萬四千聲依歸觀世音是先得道者南無

黃居士具足神通力亦具智方便何不自觀音瞿塘風
浪中歸命施無畏一人自歸依諸人皆解脫

維摩詰畫贊

維摩無病自灼灸不二門開休闢首文殊贊歎辜負人
不如趙州放茗帚

不二法門無別路諸方臨水不敢渡驚子怕雷天女花
花前竹外是誰家

翠巖璣禪師真贊

一步一彌勒一句一釋迦逢人雖不殺袖裏有青蛇是
翠巖則二非翠巖則別彌勒下生時亦作如是說

圓通璣禪師贊

諸法坐處坐諸佛行處行如來無簡擇清鏡坦然平有
人偕問誰家曲眇日眉毛何似生

承天寶禪師贊

靈山會上得箇消息達安城中不落褰襪黃撫路口雪
裏開花九江渡頭無風起浪

郭功父得楊次公家金書細字經求予作贊

為一大因緣佛說妙蓮花清淨法光明透徹十二部我
法妙難思雖說未曾說是故祕密藏藏在微塵中有大
心衆生破塵出經卷字義皆炳然堂堂而祕密或以糝
金書莊嚴甚奇妙以其翰墨功微細作佛事勝眼若干
日照耀世界海說法從心起復以心莊嚴非小亦非大
而等衆心量水牛生象牙墮在諸佛數

蒲團坐贊

謂余輪邪吾不隨爾馳逐謂予扇邪吾不亂爾寒燠寬
燥厚緩者老人之養安質朴自然者野人之無欲娛爾
以貝葉銅餅友爾以繩床筇竹跣趺主人百不能一裘
一葛平生足

龐道者名悟超贊

悟道識性超凡入聖文殊壹源普賢萬行

芝贊

呂君饋玄芝一蓋三足真異物也曰請以此乞數字藏

於家余為作贊曰

不生甘泉銅池震一莖九葉媚神天伴余西去禦魑魅
馬湖江上看蠻舡

畫木石贊

小山叢竹到天古木石下有人定是山谷

題崇德君所畫雀竹蛭蟾圖贊

蒿下蹄間斥鷃飲啄爭雄穹枝竿網將作蟬嚙竹間自
謂得已蟾蛭從之雞鳴不已

綠菜贊

蔡蒙之下彼江一曲有茹生之可以為鮫蛙蟻之衣采
采盈掬吉蠲洗澤不涸沙礫毛以卒鹹宜酒宜餽在吳
則紫在蜀則綠其臭味同遠故不錄誰其發之班我旨
蓄維女博士史君炎玉

劉元輔畫馬扇贊

天材權奇以龍為友玄黃虺隤以脚支柱與物殊絕筆
墨易取至於庸庸殆難為工然後知何時有古人之風

觀其雄雌矜顧不進庸中俊俊駕中駿馱邪

右皆家傳

頌

禪頌

自古多如此君今獨奈何
可來白雲裏教汝紫芝歌

壽禪師悟道頌

撲落非他物縱橫不是塵
山河及大地全露法王身

與六祖長老頌

昨夜三更有人點燭燒盡十方天堂地獄不知是誰家

之子都無面目但只向深草中藏莫向孤峯上宿齋時
有飯天明有粥自然而得山青水綠

慈母巖亮長老頌

勅書改律為禪意在無力宗空人欲破禪作律羣兒更
助之攻莫恨塞翁失馬會取楚人亡弓老夫亦不掩耳
我來自聽松風

和宣叔乞笋伽陀二頌

笋充庖日百尾千角鹿九首虺心生竅渾沌死搜中林

撥稚子腹便便老饕耳

收夏簑四月尾雨斑斑雷虺虺
繭栗幡轂棘死數持來

勤老子或遭罵墻有耳

文集第十五卷乞笋
於廖宣叔頌即此韻

戲呈峨眉僧正簡之頌

普賢菩薩不來山谷老人不去夜來月上勝峯說盡薩
提露布驚起峨眉衲子脚酸不到中路杜鵑識甚鬧忙
剛道不如歸去

明叔惠示二頌云見七佛偈似有警覺乃是向道

之端發於此故以二頌為報

山川圍燕坐日月轉庭隅般若心常是如來臥起俱多
聞成外道只守即凡夫欲聽虛空鼓須彌作鼓桴

平生討經論苦行峻廉隅偽契已無分買山雲自俱身
為廊廟宰夢作種田夫欲辨身兼夢還如鼓與桴

文集
第六

卷有報揚明
叔詩即此韻

化羶頌

奪却羣生夏衣成得衲僧卧具為伊業識茫茫所以一

奪一與三百四百野狐隊中有一兩箇不瞋睡十方虛
空百雜碎寧不打破慳皮袋

失紫竹拄杖頌

某三月二十九日發袁州見追送之客於西關門外從
者遺老夫紫竹杖於使者廟門遂失之宜春尉徐思齊
路見不平徧下諸山求索乃得之於木平觀云人力於
萬載廣惠得之山谷拊掌云草賊大敗因戲作頌奉呈
思齊尉公

袁州西關失却拄杖木平萬載縣裏拾得恰似鄭州却
出曹門何處待此左科禪客

右有
石刻

竹頌

深根藏器時寸寸抱奇節遭時上風雲故可傲冰雪

為茭橋居士作念念即佛頌

諸佛心內衆生心心作佛衆生心中諸佛念念證真君
言諸佛無相山鬼窟裏安葬即今十二時中是誰隨波
逐浪

寄清新二禪師頌

石公來斲鼻端塵無手人來斧

闕一
字

親白牯狸奴心即佛

銅睛虎眼主中賓自攜瓶去沽村酒幻着衫來作主人
萬里相看如對面死心寮裏有清新

死心寮裏有清新把斷黃河塞要津一段風濤驚徹底
箇中無我亦無人夢驚蛇咬憶惶走痛學尋鑒闕有神
此是如來正法藏覺來床上笑番身

送黃龍曉禪師住觀音公

黃龍一卧十五年攪潭驚起舊頭角張公攪潭是好心
但向西江起風電河陽新婦盡蛾眉老婆不可重新學
長連床上鋪棘針滿鉢飯飮鐵菱角有能歡喜受供養
聰明一一安排着張公若問解何宗食月蝦蟆救月弓
雲居祐禪師燒香頌

一身入定千身出雲居不打這鼓笛虎馱太華入高麗
波斯鼻孔撐白日

歸宗茶堂森明軒頌

萬竹森然莫非自己作如是觀可謂明矣菁菁翠竹來
者得眼其不得者我亦無簡助發此觀亦有風雨若問
軒名請與竹語

右皆
家傳

送慧林明茶頭頌

慧林有一老人恰似銀甕盛雪徹底原無滲漏旁觀但
知皎潔有徒三百二百木鑽謾鑽磐石或遇東海鯉魚
一棒令生羽翼其餘兩兩三三歸堂又要茶喫上人南
來雲水因行不妨掉臂鳳山脩水東西靈草春來滿地

但令已事相應歸日驢駝不起

右有石刻

題般若會疏頌

六祖深禪獨脚與盲抉開眼膜走入天下乞錢涪翁放
過一着

因六祖舉太和山語而成頌

峨眉山中老千頌自成集持問太和山鶻具當風立

墨蛇頌

此書驚蛇入草書成不知絕倒自疑懷素前身今生筆

法更老

以香燭團茶琉璃獻花椀供布袋和尚頌

一鉢千家飯孤身萬里浮知音若相問不住涅槃州
彌勒真彌勒分身千百億若問下生時不打這鼓笛

玉泉長老不受承天觀因作頌

達摩從西來不受梁武觀却面少林墻衣鉢一萬貫

不俗軒耐閒軒頌

不愛孔方乃不俗放下利欲是耐閒棒打石獅子論實

不論虛

東禪長老夢偈

東禪長老以夢說累數百言示余余因戲以禪語問之
曰上人前日之夢若以為有邪則駕天之洪濤闢戶之
靈室今安在哉若以為無邪則向之磬折以請摳衣而
趨者果何所從來耶若以為若有若無則今之盱衡抵
掌對客而談者猶夢中也上人無以對又問以偈曰
伐木丁丁斧下鳴隔溪便應谷中聲不因蘋末微風起

漂影溪光本自明

漂一作潭
右皆家傳

次韻奉答南山禪師二頌兼呈琦上人

魚吼鐘鳴索飯錢
牧牛耕種別人田
唯師收得祖闕在
一笛操江月滿船

南山四至分明也
一日元來十二時
兩箇泥牛齊着力
矛頭浙米劍頭炊

右有
石刻

奉留楚金長老

長安甚鬧不須驚
好與牛兒著鼻繩
方便把他悲願杓


斬新然佛大明燈

但將飯向無心椀
自有人扶折脚鐺
不用重尋舊巢穴
胡蜂窠掛萬年藤

山谷別集卷二

謹案別集卷二第八頁前七行不鰲而立極刊本
鰲訛鰲今改

第十九頁前三行不佳涅槃州刊本涅訛濕今改
卷三第八頁後七行三星在畱刊本畱訛雷今改
卷四第十八頁前五行角不能進刊本角訛無據
左傳改



總校官庶吉士

臣

張能照

校對官中書

臣

張九鐔

謄錄舉人

臣

武先振

欽定四庫全書薈要

集部

山谷別集卷三

四

詳校官助教臣常循



欽定四庫全書薈要卷一萬五千一百五十四

集部

山谷別集卷三

宋 黃庭堅 撰

序

毀壁序

別劉靜翁序

揚子建通神論序

子琇字序

江南祝林宗字序

唐驥字希德序

才季弟諸子字序

杜靖字安雅序

馬文叔字序

石信道諸子字訓序



南健王陽字序

青城唐當時字序

說

張說子難字說

李惲字相如說

韋許字說

吳開字子國閼字子家說

黎遠字子思說

党渙字伯舟甫說

張純字常甫說

蔡相字次律說

黃彝字子舟說

周淵字邃夫說

書贈余莘老

名春老說

李彥回字進微說

賀性父字說

序

毀壁序

其詞已載豫章外集第十一卷

夫人黃氏先大夫之長女生重瞳子眉目如畫玉雪可
念其為女工皆妙絕人幼少能自珍重常欲鍊形仙去
先大夫棄諸孤早太夫人為家世湮替持孤女託以夫
人歸

一作食貧故望
以恩意以居

南康洪民師民師之母文成縣君

李氏太夫人母弟也治春秋甚文有權智如士大夫夫
人歸洪氏非先大夫意怏怏逼之然後行為洪氏生四
男子曰朋芻炎羽年二十五而卒民師亦孝謹喜讀書
登進士第為石州司戶叅軍犇父喪客死文成君聞夫
人初不願行心少之故夫人歸則得罪

一作初夫人雅不欲歸於洪氏

故歸而姑莫愛至於毀辱之人情有所不能堪夫人事之甚篤

及舅而夫皆葬夫人不

得藏骨於其域焚而投諸江是時朋芻炎羽未成人也
其卒以熙寧庚戌其舉而棄之元豐甲子某月夫人歿

後十有四年太夫人始知不得葬哭之不成聲曰使是

子安歸乎

一作夫人生則歸非其意淺則不免水火

其兄弟無以自解說一作

任其

念夫人建洪氏之廟南康廬山之下故刻石於廬

山築亭以庥之髣髴其平生而安之

右已載蜀本

別劉靜翁序

富順劉靜翁自成都來集於焚道以余與其同母弟郭方進為沼平卜同年進士也數來相過其人如孤雲野鶴來亦無心去無定所余於靜翁無宿昔之好也有鄭

少微明舉者成都名士也稱靜翁紙帷布被琴鶴以為
行李似不能不求於人而未嘗發於詞氣然富順有四
壁而不居意有仁人豪士乞與百金以買山使得休息
白髮之光陰靜翁亦不拒邪余問靜翁可取與者常痛
其室空虛使有者鮮能推其餘敝裘羸馬而痛僕夫歎
門久之而立風雷之塗為是則翁能之乎靜翁曰若此
吾不能也有漁洞陳康國兄弟皆好賢喜事其園林齋
館可以卒歲老矣亦安能琢雕天真追逐俗好受殘杯

冷炙之辱邪為是則翁之游可矣雖不為田而鷄生於突未可知也遂書以為別

楊子建通神論序

天下之學要之有宗師然後可臻微入妙雖不盡明先王之意惟其有本源故去經不遠也今夫六經之旨深矣而有孟軻荀況兩漢諸儒及近世劉敞王安石之書讀之亦思過半矣至於文章之工難矣而有左氏莊周董仲舒司馬遷相如劉向揚雄韓愈柳宗元及今世歐

陽修曾鞏蘇軾秦觀之作篇籍具在法度粲然可講而學也惟神農黃帝岐伯雷公之書秦越人淳于意皇甫謐張機之論儒者罕學學之亦不能到其淵源近世黎陽高若訥號稱邃於醫方若訥既沒亦不得其傳焉余有方外之友曰楊介嘗為余言本草素問之意且曰五運六氣視其歲而為藥石雖仲景猶病之也至於本草則仲景深矣余涉世故多未能從介學之衰老竄逐戎獒瘴癘侵陵生意無幾恨不早從楊君之學也今年以

事至青神有楊康侯子建者以其所論著醫惠然見投
悉讀之而其說汪洋蜀地僻遠無從問所不知子建閉
戶讀書貫穿黃帝岐伯無師之學至能如此豈易得哉
然其湯液皆以意調置則不能無盲矣方皆聖智妙於
萬物之性者然後能作而巧者述之而世之者也今子
建發明五運六氣叙病裁藥錯綜以鍼艾之方與衆共
之是亦仁人之用心云爾

子琇字序

宗室令子景道往歲以瓜葛嘗接雍容來告曰小子子琇既從學其僚問所以尊其名者願訓告之某字之曰聰玉其說曰目者五色之主於以觀先王之典禮耳者五聲之主於以聽先王之法言心者萬物之主於以度先王之德行古者玉藻以蔽明琇瑩以充耳衡琬璵瑯以服其躬故曰內視之謂明退聽之謂聰克己之謂強古之學者善假於物無非學也故曰言念君子溫其如玉字子琇曰聰玉其義如此宗室子弟自有詔用師儒

可持此講問其詳也故為言其畧

江南祝林宗字序

黔川祝林宗因知命問字於涪翁涪翁字之曰有道而告之曰漢東國士惟郭有道尚友千載雖遠可到廓爾宵次以觀羣躁元符三年七月

唐驥字希德序

驥千里之馬出於冀北之野而有逸羣之材雖有逸羣之材而能左準繩右規矩聽御者之轡勒雖有餘力不

以詭術竊轡是故可以服萬乘之駕而撫四方故曰驥
不稱其力稱其德也

才季弟諸子字序

樞者轉物之宰也莊子曰始得其環中以應無窮字曰
環中橐者侏儒柱也雖小才而為大用桴棟不得則不
安字之曰安上椅者良材不以歲月霜露成其材則不
能為國器樹之榛栗椅桐梓漆爰伐琴瑟字曰爰伐桐
者大而化之情也昔者莊周夢為蝴蝶栩栩然自諭適

志與不知周之夢為蝴蝶蝴蝶之夢為周善學者獨於萬物之原而物化則夢富貴而我由是也夢貧賤而我由是也一以夢觀之則喜怒無所聞矣字曰夢周

杜靖字安雅序

杜叔元之子紹閏年七歲來乞名涪翁名之曰靖字之曰安雅雅正也如饑則受食寒則求衣渴則取飲貧則受饋有則言有無則言無出入坐起無所不用情此長者之教童子之學所謂雅也君子坦蕩蕩安雅也安雅

則行於所無事行於所無事則順逆萬端日陳於前我心未嘗不嘉靖也元符三年九月辛巳涪翁書

馬文叔字序

成都馬君景純毅夫從余游問其名字所以然蓋取易之文言曰剛健中正純粹精也問其加景字而不能說也余曰名字加景蓋自漢魏以來失之詩云高山仰止景行行止景行猶高山也而曰景仰之者余不知其說也可去景而名純字曰文叔傳曰文王之所以為文也

純亦不已夫古人之用心於道勿雜而已士之所以為士以此事親以此守身以此取友未有不純一而成其德者也荀卿曰始乎為士終乎聖人故字之曰文升孟子曰吾身不能居仁由義自棄者也吾子其勉之思之

石信道諸子字訓序

石信道諸子求予更其名字余且因且革名之曰翼畢奎參亢又作字訓其名曰翼之字曰氣游畢之字曰盡仁奎之字曰秉文參之字曰孝立亢之字曰善長翼者

南維朱鳥之翼也夫存心養性以與天地參也則能御
六氣以游無窮此人而有夫翼者也畢者其形象鼎之
實故謂之畢與天下之能事畢矣之畢同夫仁者人也
能盡仁則位乎天地之中者畢矣奎者鉤狀似籀文故
以為天之文宿天垂象以示人非秉文之德孰能配之
哉參星象旗之垂參象之著者也詩云三星在戶又曰
三星在留蓋言其著焉子曰立則見其參於前也在輿
則見其倚於衡也夫然後行故魯子名參字子輿夫名

者實之賓也有是名人將責實焉非事親之行立則將
為萬物之賓乎亢名東維之長天之壽星也惟仁者能
壽易傳曰元者善之長也君子體仁足以長人仁者之
壽所謂沒而不朽者也夫耆年而言行不著焉則吾不
謂之壽謂之陳人而已矣建中靖國元年正月山谷老
人說

南健王陽字序

健為清谿王君陽孤立喜讀書夷雅之士也其字曰吉

老涪翁曰王氏安知非諫大夫之後名其字則可字其名不可吉老固請改之曰志父吉事驕主以能切諫免死其事宣帝數言事上以迂濶不甚寵異也吉謝病家居其不肯求合可知已凡吉出處志操皆可師也君慕王吉誠能力行之余觀今之士大夫能如吉鮮矣詩云高山仰止惟有志者能之

青城唐當時字序

青城唐邁因余林下之友方廣純翁來問字余字之曰

當時說時不逢白璧按劍聲氣相求頓合無漸知逢不逢在物非已以仁自牧吉祥來止士生當時身在天衢志在田里其尾不濡涪翁書

右見叙州石刻

說

張說子難字說

南陽張說子難嘗以名字求余為序余辭以不能而求不已予難溫成后家門戶方韡韡然觀子難折節僚友間如寒士不可謂不智予嘗以人所不能甘之語犯之

而子難不怒也不可謂不強強且智是將升君子之堂孰能禦之則告之曰君子易事而難說聖人語也彼可以怒而去可以拊而來皆凡民耳維君於此道飲則列於樽彝食則形於籩豆坐則伏於几立則垂於紳升車則鷹和與之言張樂則鐘鼓為之說顛倒風雨而守此道者猶晏然彼方脅肩求入獻笑不情必且莫逃於水鑒之中雖然聾者妙於見秋毫之末而瞽者聽微維絕利一源耳不去害道之習者無自而入道寧成為少吏

必陵其長吏為人上操下如東濕王肅方於事上而好
下佞已在已則昧在人則昭此亦學士大夫之同病哉
君子之待人也或不屑之教誨細人之司巖使我化而
與之歸故神兵經物而不疾甘鼠齧人而不知寇在外
而闕壯弱可不戒哉

李惔字相如說

藺相如出於萬死為趙抑秦歸而退讓廉頗名重太山
魯仲連談笑而却秦軍雄誇不遜故曰相如惔而不傷

仲連傷而不惴相如為可學也

韋許字說

許而字邦任甚不中理輒奉字曰深道古人有大功於世者深於道者也不深於道而能追配古人未之有也自許以深於道古人之學也

吳開字子國閔字子家說

開字子國忠信孝悌積於身則天且開修於家而顯於國矣閔字子家閔者高門也有父兄之慶而為善以成

之遂有世家宜矣

黎遠字子思說

龍水黎充字子美余同年進士黎與幾之族子也以名觸其遠從祖之諱乞余更其名余名之曰遠而字之曰子思而告之曰遠儒家子也廢書不讀此志不遠也出門從所樂而忘歸此慮不遠也耳目聰明而陸沈於此唯不思故也子思自今以始一事而三思可也崇寧四年九月初六日山谷老人叙

党渙字伯舟甫說

辱手誨勤懇審宴居奉寢膳安吉為慰貴字蓋取諸易之渙卦巽為風為木故風行水上渙又曰利涉大川乘木有功也乘木涉川而有功者舟也故以舟為字伯者仲叔季別兄弟也父與甫同男子之通也如周之程伯休父樊仲山甫也如仲尼亦字仲尼父故人或稱仲尼或稱尼父也近世劉敞字仲原甫劉攽字叔貢父亦同此制恐欲悉故具之

張純字常甫說

巴東張純問字於涪翁字之曰常甫而告之曰五色成文而不亂之謂純白則成白黑則成黑青則成青黃則成黃赤則成赤然後謂之五色成文君子之道何異於是為仁則成仁為義則成義在家則成子在國則成臣是為純仁純義純孝純忠夫能純而不雜者何哉久於其道故也故曰常甫

蔡相字次律說

蔡相問字焉涪翁說以戴氏禮記曰五聲六律十二管
還相為宮也字之曰次律以律請問其說涪翁曰禮之
所論人者天地之德陰陽之交鬼神會五行之秀氣
也蓋言其性理也夫五聲雜而成文律娶妻而呂生子
歲十二月之情也旋相為宮方其用事而為是月之主
宰也由君子觀之十二月者所遭之變所遇之勢不同
也能即是律而為宮者吾性也因時御氣而我不乖其
和一作水可謂能次律矣

黃彛字子舟說

宗弟彛字與迪其意取詩云民之秉彛好是懿德以為
名取書之茲迪彛教以為字余更其字曰子舟蓋取周
官禮器六彛皆有舟云惟酒所以觀德故廟中之酒器
謂之彛言凡在祀典者皆有常德於酒者也惟酒善能
溺人故六彛皆以舟為足言凡在祀典者皆不溺於酒
者也先王之制器一以象德一以示人可謂至教矣惟
子舟好德秉彛晏然粹溫飲酒數斗而不亂又常戒酒

不極其量可謂能溫克者也夫有而不規者踈之也無而置戒親之也故子舟雖不溺於酒而余猶戒之云

周淵字邃夫說

玉藻十有二旒前後邃延冕之覆也前後垂旒所邃延也便事之衣多不加緣而深衣自領至袪無不緣者惡衣之淺也古之人謀事而不更盛衰則自悔日淺淺吾為丈夫也蓋君子之度惟深而已惟深也故能通天下之志淵之能深也積水之極也君子能深也積學之

致也故字曰邃夫

書贈余莘老

余景中有子名曰天任年甫六歲成誦六經如流挑試
無一不通者愛其舉止似孫莘老因以莘老字之亦與
其名叶也若其長大好學則自當追配古人老舅非敢
期爾之淺元祐七年中秋日書於余氏青青軒

名春老說

元符改元之明年歲在單閼十二月二十二日實立春

後五日溫江楊仲穎夜得男乞名於涪翁涪翁名之曰
春老蓋其生直執徐之正月東風解凍矣又仲穎太夫
人在堂康彊而抱孫故并義而名之春之為氣萬物皆
動而成文視此兒懷文抱質俾爾大母眉壽而見其頤
然在士君子之林也生後七日涪翁書

李彥回字進微說

南城李彥回問曰朋友愛之教之忘其鯁也字曰進微
坎井小醜未知南溟之量願發其覆蒙得忘其形傳而

學之黃某曰顏子以聖學者也會萬物惟己是謂居天下之廣居常為萬物之宰是為立天下之正位無取無捨是為行天下之大道具此三者是謂聞道是謂大丈夫顏子既體是矣然而望孔子則尚微是何也譬如挽弓矢力兩指譬如行遠九十百里故曰吾見其進未見其止補天立極萬世不朽聖人皆友之血氣之心知唐死而虛來聖人皆狹之販夫販婦乞兒馬醫力行致知睿聖以為師道不擇人聖人不慢人吾子勉之彥回曰

我欲升堂入室未知其門嚮背請借一指以知道之指
南曰窮於外者反於家窮於道者反於己求己以明己
如砥如矢望道如咫尺出門而望人是謂攻乎異端播糠
目眯

賀性父字說

賀不疑懷文抱質困於場屋自更其名曰天成以求速
化今年遂與南平計吏偕入於其行也問字於其游涪
翁涪翁字之曰性父夫成之者天也能奉天德以仁智

處於萬物之中而不憂不疑非我自性之者乎性父深

思之

處於一作游於
右皆家傳

山谷別集卷三